

Қазақстан Республикасының Баға және монополияға қарсы саясат жөніндегі мемлекеттік комитеті оның аумақтық органдарының Әкімшілік комиссиялары туралы ЕРЕЖЕ

Күшін жойған

Бұйрық Қазақстан Республикасы Баға және монополияға қарсы саясат жөніндегі мемлекеттік комитеті 1996 жылғы 5 маусымдағы N 152 Қазақстан Республикасының Әділет министрлігінде 1996 жылғы 7 тамызда N 185 тіркелді. Бұйрықтың күші жойылды - ҚР Әділет министрлігінің Тіркеу қызметі комитетінің 2004 жылғы 2 желтоқсандағы N 465-НҚ бұйрығымен.

Ескерту: Бұйрықтың күші жойылды - ҚР Әділет министрлігінің Тіркеу қызметі комитетінің 2004 жылғы 2 желтоқсандағы N 465-НҚ бұйрығымен.

-----Бұйрықтан үзінді-----

Қазақстан Республикасы Үкіметінің 2004 жылғы 28 қазандағы N 1109 қаулысымен бекітілген Қазақстан Республикасы Табиғи монополияларды реттеу агенттігі туралы ереженің 18-тармағының 1) тармақшасын басшылыққа ала
о т ы р ы п

Б Ұ Й Ы Л Д ы деп т а н ы л с ы н :

1. Қосымшаға сәйкес Монополияға қарсы органның кейбір шешімдерінің күші жойылды деп танылсын.

4. Осы бұйрық қол қойылған күнінен бастап күшіне енеді.

Төраға

"Монополияға қарсы органның кейбір шешімдерінің күші жойылды деп тану туралы" Қазақстан Республикасы Табиғи монополияларды реттеу агенттігінің 2004 жылғы 2 желтоқсандағы N 465-НҚ бұйрығына қосымша

Монополияға қарсы органның кейбір шешімдерінің күші жойылды деп тану туралы

3. "Қазақстан Республикасының Баға және монополияға қарсы саясат жөніндегі мемлекеттік комитеті және оның аумақтық органдарының әкімшілік комиссиялары туралы ережені бекіту туралы" (Қазақстан Республикасы Әділет министрлігінде 1996 жылғы 7 тамызда N 185 нөмірмен тіркелген) Қазақстан

Республикасы Баға және монополияға қарсы саясат жөніндегі мемлекеттік комитетінің 1996 жылғы 5 маусымдағы N 152 бұйрығы....

1. Бұл Ереже қолданылымдағы заңдарға сәйкес Қазақстан Республикасының Баға және монополияға қарсы саясат жөніндегі мемлекеттік комитеті мен оның аумақтық органдарының (бұдан әрі - "Комитет") бағынысындағы Әкімшілік комиссияларының (бұдан әрі - "Комиссиялар") жұмысы мен баға жөніндегі және монополияға қарсы саясаттың, тұтынушылардың заңды құқықтарының (бұдан әрі монополияға қарсы заңдардың) бұзылуы туралы істерді қараудың тәртібін белгілейді және айқындалған заң бұзушылықтар, жүргізілген тексерулердің нәтижелері бойынша іс қарап, тиісті шешімдер қабылдаудың тәртібі мен мерзімін реттейді.

Комиссиялардың басты міндеті - жоғарыда көрсетілген санаттағы істердің дер кезінде толық әрі объективті қаралуын қамтамасыз ету.

2. Комиссиялар өз қызметінде "бәсекелестікті дамыту және монополистік қызметті шектеу туралы" Қазақстан Республикасының Заңын, Қазақстан Республикасының Баға және монополияға қарсы саясат жөніндегі мемлекеттік комитеті туралы" Ережені, Әкімшілік құқық бұзу туралы Қазақ КСР-інің Кодексін, басқа да заңдық және нормативтік актілерді, сондай-ақ осы Ережені бастылыққа алады.

3. Комиссиялар Комиссия төрағасы, Комиссия төрағасының орынбасары, Комиссияның мүшелері және Комиссияның жауапты хатшысы құрамында құралып, іс-қимыл жасайды.

3.1. Комиссия төрағасы:

Комиссияның жұмысын басқарады, Комиссияға жүктелген міндеттердің орындалуы үшін жауап береді;

Комиссияның мәжілістерінде төрағалық етеді;

Қаралатын істер бойынша Комиссияның хаттамаларына, қаулыларына қол қояды.

3.2. Комиссия мүшелері:

Комиссияның жұмысына қатысады және Комиссияға жүктелген міндеттердің орындалуы үшін жауап береді;

қаралатын істер бойынша Комиссияның қаулыларына қол қояды.

3.3. Комиссияның жауапты хатшысы:

Комиссияның жұмысына қатысады және Комиссияға жүктелген міндеттердің орындалуы үшін жауап береді;

Комиссияның мәжілістерінде қарау үшін материалдар әзірлейді;

Комиссия мәжілісін өткізудің ұйымдық мәселелерін шешеді;

Комиссия мәжілісінің хаттамасын жүргізеді;

Комиссияның хаттамаларына, анықтамаларына және қаулыларына қол қояды;

Істі қарауға қатысушы адамдарға мәжіліс өткізілетін орны мен оның уақытын хабарлайды;

Комиссияның іс қағаздарын жүргізеді.

4. Комиссия 7-9 адамнан құралады.

4.1. Лауазым бойынша Комитет төрағасының құқықтық сұрақтарды қадағалайтын орынбасары, ал ол болмаған жағдайда - Комиссия төрағасының орынбасары Комиссия төрағасы болып табылады.

4.2. Өз жұмысының түрі бойынша Комитет қызметінің басты бағыттарының бірімен айналысушы Комитет қызметкерлері Комиссияның мүшелері бола алады.

4.3. Комиссияның жауапты хатшысы Комитеттің заң білімі бар қызметкері болуы керек.

4.4. Комиссияның жеке құрамын Комитет төрағасы бекітеді.

5. Аумақтық комитеттердің комиссиялары осы Ережеде белгіленген тәртіппен 5-7 адамнан құралады.

6. Комитеттің уәкілді қызметкері әкімшілік құқық бұзу туралы Қазақ КСР-нің Кодексінің талаптарына сәйкес жасаған әкімшілік құқық бұзу туралы хаттама монополияға қарсы заңдардың бұзылуы жөнінде істерді қарау үшін негіз болып табылады.

7. Монополияға қарсы заңдардың әкімшілік тұрғыдан бұзылуы туралы істі қарауға әзірлеу кезінде Комиссияның жауапты хатшысы; белгілі бір істі қарау Комиссияның құзырына жата ма; істің хаттамасы мен өзге материалдары дұрыс әзірленген бе; алдын ала реттеу үшін шаралар қолданған ба; қажетті қосымша материалдар сұратылған ба; жауапқа тартылушы, зәбірленуші адамның немесе олардың заңды өкілдерінің өтініштері қанағаттандырылуға немесе қабылдамай тастауға жата ма; істі қарауға қатысушы адамдардың тізімін, қаралу уақыты мен оның орнын - міне, осы мәселелерді айқындайды.

8. Монополияға қарсы заңдардың әкімшілік тұрғыдан бұзылуы туралы істер жауапқа тартылушы адамның қатысуымен қаралады.

Жауапқа тартылушы адамның қатысуынсыз істі мына жағдайларда: істің қаралу уақыты мен орны туралы оған уақытша хабарланғаны жайында дерек болса және оның Комиссияның мәжілісіне келмеу себептері туралы қолда мағлұмат болмаса не Комиссия келмеу себептерін дәлелсіз деп таныса, қарауға болады.

9. Комиссия істерді қажетіне қарай өткізілетін мәжілістерде қарайды, бірақ бұл әкімшілік құқық бұзу туралы хаттама және істің басқа материалдары қолға тиген соң 15 күн мерзімінен кешіктірілмеуі тиіс.

10. Белгілі бір жағдайлар анықталғанша істің шын мәнісінде қаралуы мүмкін болмаған жағдайда Комиссия істің қаралуын тоқтата тұруы мүмкін.

Істің қаралуын тоқтата тұру туралы қаулы (үлгісі қоса беріліп отыр) шығарылып, оған Комиссияның мәжілісіне қатысушы барлық мүшелері қол қояды.

11. Істі қарау оны қарайтын Комиссияның құрамын жариялаудан басталады, сонан соң мәжілісте төрағалық етуші қандай іс қаралуға жататынын, әкімшілік жауапкершілікке кім тартылатынын хабарландырады, іске қатысушы адамдарға олардың құқықтары мен міндеттерін түсіндіреді.

Бұдан кейін істі қарау төмендегідей тәртіппен басталады:
әкімшілік құқық бұзу туралы хаттама жарияланады;
іске қатысушы адамдардың өтініштері мәлімделеді және жарияланады;

жауапкершілікке тартылушы адамның түсініктемелері тыңдалады;

куәлердің жауаптары тыңдалады;

істі қарауға қатысушы басқа адамдар тыңдалады;

дәлелдер зерделінеді;

іске прокурор қатысса, оның тұжырымы тыңдалады;

іс бойынша қаулы шығарылады.

12. Комиссия баға жөніндегі және монополияға қарсы заңдардың, тұтынушылардың заңды құқықтарының әкімшілік тұрғыдан бұзылуы туралы іс қаралған кезде:

баға жөніндегі және монополияға қарсы заңдардың, тұтынушылардың құқықтарының әкімшілік тұрғыдан бұзылуы орын алды ма;

жауапкершілікке тартылушы адам осындай құқық бұзу орын алғаны үшін кінәлі ме және ол әкімшілік тұрғыдан жауапкершілікке жата ма;

белгілі бір әкімшілік құқық бұзу үшін жауапкершілікті жеңілдететін немесе ауырлататын жағдайлар бар ма;

белгілі бір әкімшілік құқық бұзу мүліктік зиян келтірді ме - міне, осыларды айқындап алуға міндетті.

Сол сияқты Комиссия істің дұрыс шешілуі үшін маңызы бар басқа да жағдаяттарды айқындауға міндетті.

13. Кез келген нақты деректер, солардың негізінде Комитет тараптардың

немесе қарсылықтарын дәлелдейтін жағдаяттардың бар-жоғын анықтайды, сондай-ақ істің дұрыс қаралуы үшін маңызы бар басқа да фактілер баға жөніндегі және монополияға қарсы саясаттың, тұтынушылардың заңды құқықтарының әкімшілік тұрғыдан бұзылуы туралы іс қарау бойынша айғақтама болып т а б ы л а д ы .

Айғақтамалар жазбаша түрде де, сол сияқты, көру-тыңдау және өзге материалдарды, бұқаралық ақпарат құралдарының хабарларын, тараптар өкілдерінің түсініктемелерін, сондай-ақ сарапшылар мен құзырлы органдардың тұжырымдарын қоса алғанда, заттай түрде де болуы мүмкін.

Актілер, хаттар, түсініктемелер, мағлұматтар және істің дұрыс қаралуы үшін маңызды жағдаяттары бар басқа да жазбаша материалдар, жазбаша айғақтамалар болып табылады.

Іс үшін маңызы бар айғақтамалар ғана қарауға қабылданады.

14. Арнайы білімді талап ететін істі қарау кезінде туындайтын мәселелерге түсінік беру үшін Комиссия сараптама тағайындайды.

Сарапшының тұжырымы Комиссияға жазбаша түрде тапсырылады, тараптарға көшірмелер берілуі мүмкін.

15. Комиссия монополияға қарсы заңдардың әкімшілік тұрғыдан бұзылуы туралы іс қараған кезде хаттама (үлгісі қоса беріліп отыр) жүргізіліп, онда:

мәжілістің уақыты мен орны;

іс қараушы органның атауы мен құрамы;

қаралатын істің мазмұны;

істі қарауға қатысушы адамдар туралы мағлұматтар, олардың өтініштері;

істі қарау кезінде зерттелген құжаттар мен заттай айғақтамалар;

қабылданған қаулыны жариялау туралы мағлұматтар және оған шағым берудің тәртібі мен мерзімінің түсініктемелері көрсетіледі.

Хаттамаға мәжілісте төрағалық етуші мен Комиссияның хатшысы қол қояды.

16. Монополияға қарсы заңдардың әкімшілік тұрғыдан бұзылуы туралы істі қарап, Комиссия іс бойынша қаулы (үлгісі қоса беріліп отыр) шығарады.

Қаулыда:

қаулы шығарған Комиссияның атауы;

істің қаралған күні, айы, жылы;

іс қаралушы адам туралы мағлұматтар;

іс қарау барысында анықталған жағдаяттардың мазмұндамасы;

белгілі бір әкімшілік құқық бұзу үшін жауапкершілікті көздейтін

нормативтік актінің нұсқамасы;

іс бойынша қабылданған шешім;

қаулыға шағым берудің тәртібі мен мерзімі көрсетілуі тиіс.

Қаулы істі қарауға қатысушы Комиссия мүшелерінің жай көпшілік дауысымен қабылданылады.

Істі қарауға қатысқан Комиссия мүшелерінің барлығы қаулыға қол қ о я д ы .

17. Баға жөніндегі және монополияға қарсы заңдардың, тұтынушылардың заңды құқықтарының әкімшілік тұрғыдан бұзылуы туралы істі қарап, Комиссия төмендегі әкімшілік жазалардың бірін қолдана алады:

қолданымдағы заңдарға сәйкес айыппұл салу құқығы Қазақстан Республикасының Баға және монополияға қарсы саясат жөніндегі мемлекеттік комитетіне берілген жағдайда айыппұл салады;

белгілі бір іс-әрекеттер жасау (немесе оларды жасауда бас тарту) туралы нұсқамамен не онысыз монополияға қарсы заңдардың бұзылуына жол бермеу туралы ескерту жариялады.

Әкімшілік құқық бұзу туралы Қазақ КСР-і Кодексінің 240, 241 баптарында көзделген жағдайларда істің қаралуын тоқтату туралы қаулы шығарылады.

18. Қаулы істі қарау аяқталысымен дереу жарияланады.

Қаулының көшірмесі өзі туралы қаулы шығарылған адамның қолына үш күн ішінде табыс етіледі не оған жіберіледі.

Қаулының көшірмесін тиісті адам қол қойып өзі алады немесе ол Комитет хатшылығы арқылы тіркелу жолымен жөнелтіледі.

19. Монополияға қарсы заңдардың әкімшілік тұрғыдан бұзылуы туралы іс бойынша сот арқылы шағым беру мен қарсылық білдіру Әкімшілік құқық бұзу туралы Қазақ КСР-нің Кодексіне сәйкес жүзеге асырылды.

Монополияға қарсы заңдардың бұзылуы туралы істер бойынша аумақтық Комитеттердің Комиссияларының қаулы Қазақстан Республикасы Баға және монополияға қарсы мемлекеттік комитетінің Комиссиясына, ал бұл Комиссияның шешімдеріне - Комитет Төрағасына шағым беруге болады.

20. Монополияға қарсы заңдардың әкімшілік тұрғыдан бұзылуы туралы іс бойынша Комиссияның қаулысын мемлекеттік, қоғамдық органдар, шаруашылық жүргізуші субъектілер, лауазымды адамдар мен азаматтар о р ы н д а у ғ а м і н д е т т і .

21. Қаулы ол шығарылған сәттен бастап орындауға жатады.

Қаулыға шағым берілген немесе қарсылық білдірілген жағдайда шағым немесе қарсылық қанағаттандырылмай қалған соң қаулы орындалуға жатады.

22. Монополияға қарсы заңдардың әкімшілік тұрғыдан бұзылуы

туралы іс бойынша Комиссия қаулысының орындалуы әкімшілік жазалар (үлгісі қоса беріліп отыр) белгілеу туралы қаулыны орындау үшін Әкімшілік құқық бұзу туралы Қазақ КСР-нің Кодексінде көзделген тәртіппен жүзеге асырылады.

23. Монополияға қарсы заңдардың әкімшілік тұрғыдан бұзылуы туралы іс бойынша қаулының орындалуына осы қаулыны шығарған Комиссия бақылау жасайды.

24. Комиссияны материалдық-техникалық қамтамасыз ету ісін Қазақстан Республикасының Баға және монополияға қарсы саясат жөніндегі мемлекеттік комитеті мен оның аумақтық органдары жүзеге асырады.

25. Комиссия өз жұмысында Қазақстан Республикасының Баға және монополияға қарсы саясат жөніндегі мемлекеттік комитеті мен оның аумақтық органдарының бланктерін, мөртаңбалары мен мөрлерін пайдаланады.

**МОНОПОЛИЯҒА ҚАРСЫ ЗАҢДАРДЫҢ ӘКІМШІЛІК ТҰРҒЫДАН
БҰЗЫЛУЫ ТУРАЛЫ N _____ ІС**

Қазақстан Республикасы Баға және монополияға қарсы
мемлекеттік комитетінің (монополияға аумақтық
комитетінің) Әкімшілік комиссиясы мәжілісінің
хаттамасы

199__ " " _____

Алматы қаласы

Комиссия: _____

бар Комиссия мүшелерінің құрамында:

қаралатын істің мазмұны

фактісі бойынша іс қарады.

Істі қарауға қатысушылар:

жауапқа тартылушы адам _____

тегі, аты-жөні

Сарапшылар _____

(тегі, аты-жөні)

басқа адамдар (зәбір шегуші, заңды өкіл, қорғаушы)

аудармашы, прокурор _____

Істі қарауға қатысушы адамдардың өтініші:

Өтініштерді қараудың нәтижелері _____

Істі қарауға қатысушы адамдардың түсініктемелері, жауаптары,
тұжырымдары мен сөйлеген сөздері _____

Істі қарау барысында зерттелген құжаттар мен заттай айғақтамалар

Істі қарау аяқталысымен Комиссия қаулы қабылдап, ол жарияланады. Сол сияқты қаулыға шағым берудің тәртібі мен мерзімі түсіндірілді.

Мәжіліс төрағасы:

Мәжіліс хатшысы:

Монополияға қарсы заңдардың әкімшілік
тұрғыдан бұзылуы туралы N____ іс

Монополияға қарсы заңдардың әкімшілік
тұрғыдан бұзылуы туралы іс бойынша

ҚАУЛЫ

199__ жылғы " " _____ Алматы қаласы

Қазақстан Республикасы Баға және монополияға қарсы саясат жөніндегі мемлекеттік комитетінің Әкімшілік комиссиясы Әкімшілік құқық бұзу туралы Қазақ КСР-і Кодексінің 269-279 баптарының негізінде ашық мәжілісте монополияға қарсы заңдардың әкімшілік тұрғыдан бұзылуы туралы N____ істі қарап, былай деп белгіледі.

(жауапқа тартылушы адамның тегі, аты-жөні)

Тұрғылықты орны _____

Жұмыс орны мен лауазымы _____

199__ жылғы " " _____

істі қарау барысында анықталған

(жағдаяттардың мазмұндамасы)

сөйтіп ол Әкімшілік құқық бұзу туралы Қазақ КСР-і Кодексінің 193-3 бабын бұзды

Жоғарыда баяндалғанның негізінде, Әкімшілік құқық бұзу туралы Қазақ КСР-і Кодексінің 21, 24, 32, 193-3 баптарын басшылыққа алып, комиссия Қаулы етеді

(құқық бұзушының тегі, аты-жөні)

түрінде әкімшілік жаза белгіленсін.

Бұл қаулыға ол шығарылған күннен бастап 10 күн ішінде

(органның атауы)

шағым беруге болады.

Комиссия төрағасы

Комиссия төрағасының орынбасары

Комиссия мүшелері

Комиссия хатшысы

Бірінші басшысына

N_____ Шақыру қағазы

199__ жылғы " " _____ " _____ " сағатта Қазақстан

Республикасы Баға және монополияға қарсы саясат жөніндегі мемлекеттік комитетінің Монополияға қарсы заңдардың бұзылуы туралы істерді қарайтын әкімшілік комиссиясының мәжілісіне шақырыласыз (құқық бұзушы ретінде).

Міндетті түрде келу керек.

Мекен-жай: Алматы қаласы, Наурызбай батыр көшесі, 65/69-үй.

N_____ кабинет, тел. 692002

Комиссия хатшысы

№ _____ Шақыру қағаздың түбіршегі

199__ жылғы " " _____ " ____ " сағатта табыс етілді.

Алдым: _____
тегі, аты-жөні, лауазымы, қолы

_____ шақыру қағазынан

(бас тартқан адамның тегі аты-жөні)

алудан бас тартуына байланысты шақыру қағазы 199__ жылғы " " почта арқылы арнайы хатпен, хабар беру жолымен жөнелтілді. (керексіз сызылып тасталсын)

Почта түбіртегінің № _____

199__ жылғы " " _____

Комиссия қаулысының көшірмесін алу туралы қолхат

№ _____ іс бойынша 199__ жылғы " " _____

Қаулының көшірмесін алдым.

(тегі, аты-жөні, қолы)

199__ жылғы " " _____

Қаулының көшірмесі

(алушы адам)

199__ жылғы " " _____ почта арқылы жіберілді,

түбіртек № _____

№ _____ ХАТТАМА

МОНОПОЛИЯҒА ҚАРСЫ ЗАҢНЫҢ БҰЗЫЛУЫ ТУРАЛЫ

199__ жылғы " " _____ Алматы қаласы

Мен. _____

(хаттама жасаған Комитет қызметкерінің тегі,

аты-жөні)

Әкімшілік құқық бұзу туралы Қазақ КСР-і Кодексінің 248, 248-1, 261-баптарына сәйкес

(заң бұзушының тегі, аты-жөні)

(заң бұзушылықтың мазмұны, оның жасалған орны мен уақыты)

туралы осы хаттаманы жасадым.

_____ іс-әрекеттерінде
(заң бұзушының тегі, аты-жөні)

(заңдарға, қаулыларға сілтеме)
бабында көзделгендей құқық бұзушылық нышандары бар.

(заң бұзушы туралы мағлұматтар)
жасаған монополияға қарсы заңдардың бұзылуын _____

қоса беріліп отырған материалдар:

айғақтайды.

Хаттама жасалды: _____ Қазақстан Республикасының
Баға және монополияға
қолы _____ қарсы саясат жөніндегі
мемлекеттік комитеті
қызметкерінің тегі,
аты-жөні

Құқық бұзушы: _____ Құқық бұзушының тегі,
қолы _____ аты-жөні

Куәлар: _____ Куәлардың тегі, аты-жөні

Зәбір шегушілер: _____ Зәбір шегушілердің тегі,
аты-жөні

Хаттама екі дана болып жасалды, бір данасы құқық бұзушыға табыс етілді.